

左  
氏  
條  
貫

左氏條貫卷八

長洲曹

基德培編次

門人張

兼念凌  
典懷鞠  
叅訂

齊

齊襄公

莊公八年齊侯使連稱管至父戍葵丘瓜時而往曰及瓜而代期戍公問也命不至請代弗許故謀作亂僖公之母弟曰夷仲年生公孫無知有寵于僖公衣服禮秩如適襄公絀之二人因之以作亂連稱有從妹在公宮無寵使間公曰捷吾以女爲夫人冬十二月齊侯游于姑焚遂田于貝丘見大豕從者曰公子彭生也公怒曰彭生敢

見射之。豕人立而啼。公懼，隊于車，傷足，喪屨。反誅也。責屨

于徒人費，弗得鞭之。見血，走出，遇賊于門，劫而束之。費

曰：「我奚御哉？」袒而示之背，信之。費請先入，伏公而出，闕

死于門中。石之紛如，死于階下，遂入，殺孟陽。小臣也，代

于牀曰：「非君也，不類。」見公之足于戶下，遂弑之而立無

知。初，襄公立，無常。鮑叔牙曰：「君使民慢，亂將作矣。」奉公

子小白出奔莒，亂作。管夷吾召忽奉公子糾來奔。初，公

孫無知虐于雍廩。莊公九年春，雍廩殺無知。夏，公伐齊。

納子糾。桓公自莒先入。秋，師及齊師戰于藍，時我師

敗績。公喪戎路。傳乘而歸。鮑叔帥師來言曰。子糾親也。請君討之。管召讎也。請受而甘心焉。乃殺子糾于生。實召忽死之。管仲請囚。鮑叔受之。及堂阜而稅之。歸而以告曰。管夷吾治于高傒。使相可也。公從之。  
莊公二十七年

夏同盟于幽。陳鄭服也。

穀梁子曰。同者有同也。同尊周也。于是而後授之諸侯也。其授之諸侯何也。齊侯得衆也。桓會不致。安之也。桓盟不日。信之也。信其信。仁其仁。衣裳之會十有一。未嘗有軟血之盟也。信厚也。兵車之會四。未嘗有

大戰也愛民也

莊公三  
十一年齊侯來獻戎捷非禮也凡諸侯有四夷之功則

獻于王王以警于夷中國則否諸侯不相遺俘

閔公元年

狄人伐邢管敬仲言于齊侯曰戎狄豺狼不可厭也諸

夏親昵不可弃也宴安酖毒不可懷也詩云豈不懷歸

畏此簡書簡書同惡相恤之謂也請救邢以從簡書齊

人救邢

閔公  
二年僖之元年齊桓公遷邢于夷儀二年封

衛于楚丘邢遷如歸衛國忘亡

僖公  
二年齊寺人貂始漏

師于多魚

僖公  
三年齊侯與蔡姬乘舟于圉蕩公公懼變

色禁之不可。公怒。歸之。未絕之也。蔡人嫁之。

傳公齊四年

侯以諸侯之師侵蔡。蔡潰。遂伐楚楚。子使與師言曰。君處北海。寡人處南海。唯是風馬牛不相及也。不虞君之涉吾地也。何故。管仲對曰。昔召康公命我先君大公曰。五侯九伯。女寔征之。以夾輔周室。賜我先君履。東至于海。西至于河。南至于穆陵。北至于無棣。爾貢包茅不入。王祭不共。無以縮酒。寡人是徵。昭王南征而不復。寡人是問。對曰。貢之不入。寡君之罪也。敢不共。給昭王之不復。君其問諸水濱。師進。次于陘。夏。楚子使屈完如師。師

退次于召陵。齊侯、陳諸侯之師與屈完乘而觀之。齊侯曰：「豈不穀是爲？先君之好是繼。與不穀同好，如何？」對曰：「君惠徼福于敝邑之社稷，辱收寡君、寡君之願也。」齊侯曰：「以此衆戰，誰能禦之？以此攻城，何城不克？」對曰：「君若以德綏諸侯，誰敢不服？君若以力，楚國方城以爲城，漢水以爲池，雖衆無所用之。」屈完及諸侯盟。僖公七年秋盟于甯母，謀鄭故也。管仲言于齊侯曰：「臣聞之，招攜以禮，懷遠以德。德禮不易，無人不懷。齊侯脩禮于諸侯，諸侯官受方物。」鄭伯使弋子華聽命于會，言于齊侯曰：「洩氏

孔氏子人氏三族寔違君命。若君去之以爲成。我以鄭爲內臣。君亦無所不利焉。齊侯將許之。管仲曰。君以禮與信屬諸侯。而以姦終之。無乃不可乎。子父不奸之謂禮。守命共時之謂信。違此二者。姦莫大焉。公曰。諸侯有討于鄭。未捷。今苟有釁。從之不亦可乎。對曰。君若綏之以德。加之以訓辭。而帥諸侯以討鄭。鄭將覆亡之不暇。豈敢不懼。若總其罪人以臨之。鄭有辭矣。何懼。且夫合諸侯以崇德也。會而列姦。何以示後嗣。夫諸侯之會。其德刑禮義。無國不記。記姦之位。君盟替矣。作而不記。非



盛德也。若其勿許，鄭必受盟。夫子華既爲犬子而求介于大國，以弱其國，亦必不免。鄭有叔詹堵叔師叔三良爲政，未可間也。齊侯辭焉于華，由是得罪于鄭。僖公九年夏，會于葵丘，尋盟，且脩好禮也。王使宰孔賜齊侯胙，曰：「天子有事于文武，使孔賜伯舅胙。」齊侯將下拜，孔曰：「且止。」有後命。天子使孔曰：「以伯舅耄老，加勞，賜一級。」無下拜。對曰：「天威不遠，顔咫尺，小白余敢貪天子之命，無下拜。」恐，懼越于下，以遺天子。羞不敢下拜，下拜登受。宰孔先歸。遇晉侯曰：「可無會也。諸侯不務德而勤遠畧，故北。」

伐山戎。南伐楚。西爲此會也。東畧之。不知西則否矣。其在亂乎。君務靖亂。無勤于行。晉侯乃還。

僖公十二年 齊侯

使管夷吾平戎于王。王以上卿之禮饗管仲。管仲辭曰。臣賤有司也。有天子之二守國高在。若節春秋來承王命。何以禮焉。陪臣敢辭。王曰。舅氏。余嘉乃勲。應乃懿德。謂篤不忘。往踐乃職。無逆朕命。管仲受下卿之禮而還。君子曰。管氏之世祀也宜哉。讓不忘其上。詩曰。豈弟君子。神所勞矣。

僖公十七年 夏滅項

穀梁子曰。孰滅之。桓公也。何以不言桓公也。爲賢者

諱也。項國也不可滅而滅之乎？桓公知項之可滅也，而不知已之不可以滅也。既滅人之國矣，何賢乎？君子惡惡疾其始，善善樂其終。桓公嘗有存亡繼絕之功，故君子爲之諱也。

齊侯之夫人三：王姬、徐嬴、蔡姬，皆無子。齊侯好內，色多。內寵，嬖如夫人者六人：長衛姬生武孟，少衛姬生惠公，鄭姬生孝公，葛嬴生昭公，密姬生懿公，宋華子生公子雍。公與管仲屬孝公于宋襄公，以爲犬子。雍巫易有寵于衛，共姬因寺人貂以荐羞于公，亦有寵。公許之立。

十有四年九月齊公子商人弑其君舍

武孟管仲卒五公子皆求立冬十月乙亥齊桓公卒易

牙入與寺人貂因內寵以殺羣吏而立公子無虧武老

公奔宋十二月乙亥赴辛巳夜殯已六十傳公十宋

襄公以諸侯伐齊三月齊人殺無虧立孝公文公十

齊人定懿公商人使來告難故書以九月齊公子元不順

懿公之為政也終不曰公曰夫已氏猶云文公十齊

懿公之為公子也與邠歃之父爭田弗勝及即位乃掘

而刑之時歃父已死故而使歃僕納閭職之妻而使職

駢乘夏五月公游于申池二人浴于池歃以扑扶職職

齊

怒歎曰人奪女妻而不怒一扶女庸何傷職曰與刑其

父而弗能病者何如乃謀弑懿公納諸竹中歸舍爵飲

而行齊人立公子元惠公成公十年齊慶克慶封父通于聲

孟子靈公母與婦人蒙衣乘輦而入于閔鮑牽見之以告

國武子武子召慶克而謂之慶克久不出而告夫人曰

國子謫我夫人怒國子相靈公以會高鮑高無咎鮑牽處守

及還將至閉門而索客孟子訴之曰高鮑將不納君而

立公子角國子知之秋七月壬寅別鮑牽而逐高無咎

無咎奔莒高弱無咎子以盧叛齊人來召鮑國牽之弟而

立之初鮑國去鮑氏而來爲施孝叔臣施氏卜宰匡句  
須吉施氏之宰有百室之邑與匡句須邑使爲宰以讓  
鮑國而致邑焉施孝叔曰子寔吉對曰能與忠良吉孰  
大焉鮑國相施氏忠故齊人取以爲鮑氏後仲尼曰鮑  
莊子鮑之知不如葵葵猶能衛其足襄公二十一年齊莊公  
朝指殖綽郭最曰是寡人之雄也勇也州綽曰君以爲雄  
誰敢不雄然臣不敏平陰之役先二子鳴晉伐齊及平陰州綽獲殖  
綽郭莊公爲勇爵殖綽郭最欲與焉州綽曰東閭之役  
臣左驂迫還于門中識其枚數其可以與于此乎公曰

子爲晉君也。對曰：臣爲隸新然。二子者，譬于禽獸，臣食其肉而寢處其皮矣。

襄公二十三年齊侯還自晉，不入遂襲

莒。門于且于，傷股而退。明日將復戰，期于壽舒。杞殖、華還載甲夜入，且于之隊宿于莒郊。明日先遇莒子于蒲侯氏。莒子重賂之，使無死。曰：請有盟。華周卽還對曰：貪貨弃命，亦君所惡也。昏而受命，日未中而弃之，何以事君？莒子親鼓之，從而伐之，獲杞梁。莒人行成，齊侯歸。遇杞梁之妻于郊，使弔之。辭曰：殖之有罪，何辱命焉？若免于罪，猶有先人之敝廬在下。妾不得與郊弔。齊侯弔諸其

室

襄公二十五年

齊棠公之妻東郭偃之姊也東郭偃臣崔

武子棠公死偃御武子以弔焉見棠姜而美之使偃取

之偃曰男女辨姓今君出自丁

齊丁公

臣出自桓

齊桓公皆姜姓

不可武子筮之遇困之大過史皆曰吉示陳文子文子

曰夫從風風隕妻不可娶也且其繇曰困于石據于蒺

藜入于其宮不見其妻凶困于石往不濟也據于蒺藜

所恃傷也入于其宮不見其妻凶無所歸也崔子曰蒺

也何害先夫

棠公

當之矣遂取之莊公通焉驟如崔氏以

崔子之冠賜人侍者曰不可公曰不為崔子其無冠乎



崔子因是又以其間伐晉也。曰：晉必將報。欲弑公以說于晉而不獲間。公鞭侍人賈舉而又近之。乃爲崔子間。公夏五月，莒爲且于之役故。莒子朝于齊，甲戌饗諸北郭。崔子稱疾不視事。乙亥，公問崔子，遂從姜氏。姜入于室，與崔子自側戶出。公拊楹而歌。侍人賈舉止衆從者而入，閉門。甲與公登臺而請弗許。請盟弗許。請自刃于廟弗許。皆曰：君之臣杼疾病，不能聽命。近于公宮，陪臣干掇有淫者，不知二命。公踰牆又射之中股，反隊，遂弑之。賈舉、州綽、邴師、公孫敖封具鐸。父襄、伊、僕、堙皆死。祝

佗父祭于高唐。至復命。不說。升而死于崔氏。申劓侍漁者。退謂其宰曰。爾以帑免。我將死。其宰曰。免是反子之義也。與之皆死。崔氏殺醢蔑于平陰。晏子立于崔氏之門外。其人曰。死乎。曰。獨吾君也乎哉。吾死也。曰。行乎。曰。吾罪也乎哉。吾亡也。曰。歸乎。曰。君死安歸。君民者。豈以陵民。社稷是主。臣君者。豈爲其口實。社稷是養。故君爲社稷死。則死之。爲社稷亡。則亡之。若爲已死而爲已亡。非其私暱。誰敢任之。且人有君而弑之。吾焉得死之。而焉得亡之。將庸何歸。門啓而入。枕尸股而哭之。興三踊。

而○出○人○謂○崔○子○必○殺○之○崔○子○曰○民○之○望○也○舍○之○得○民○盧

蒲○癸○奔○晉○王○何○奔○莒○子莊叔○孫○宣○伯○魯叔孫之○在○齊

也○叔○孫○還○齊羣納○其○女○宣伯于○靈○公○嬖○生○景○公○丁○丑○崔

杼○立○而○相○之○慶○封○爲○左○相○盟○國○人○于○犬○宮○曰○所○不○與○崔

慶○者○晏○子○仰○天○歎○曰○嬰○所○不○唯○忠○于○君○利○社○稷○者○是○與

有○如○上○帝○乃○歆○辛○巳○公○與○大○夫○及○莒○子○盟○大○史○書○曰○崔

杼○弑○其○君○崔○子○殺○之○其○弟○嗣○書○而○死○者○二○人○其○弟○又○書

乃○舍○之○南○史○氏○聞○大○史○盡○死○執○簡○以○往○聞○既○書○矣○乃○還

襄公二十七年 齊崔杼生成及彊而寡喪偶娶東郭姜生明東

郭姜以孤入

以先夫之  
子自隨

曰棠無咎與東郭偃

姜之弟

相崔

氏崔成有疾而廢之而立明成請老于崔崔子許之偃

與無咎弗子曰崔宗邑也必在宗主成與彊怒將殺之

告慶封曰夫子

崔杼

之身亦子所知也唯無咎與偃是從

父兄莫得進矣大恐害夫子敢以告慶封曰子姑退吾

圖之告盧蒲癸盧蒲癸曰彼

崔杼

君之讐也天或者將弃

彼矣彼寔家亂子何病焉崔之薄慶之厚也他日又告

成彊復告

慶封曰苟利夫子必去之難吾助女九月庚辰崔

成崔彊殺東郭偃棠無咎于崔氏之朝崔子怒而出其

衆皆逃求人使駕不得使圉人駕寺人御而出且曰崔氏有福止余猶可遂見慶封慶封曰崔慶一也是何敢然請爲子討之使盧蒲癸帥甲以攻崔氏崔氏堞其宮而守之弗克使國人助之遂滅崔氏殺成與彊而盡俘其家其妻縊癸復命于崔子且御而歸之至則無歸矣乃縊崔明夜辟諸大墓辛巳崔明來奔慶封當國襄公二十八年慶封好田而嗜酒與慶舍慶封子政則以其內寔遷于盧蒲癸氏易內而飲酒數日國遷朝焉就癸家朝見封使諸

亡人

薛崔氏難出奔

得賊者以告而反之故反盧蒲癸

莊公

癸

臣子之

即慶舍

有寵妻之

以女妻癸

慶舍之士謂盧蒲癸曰男

女辨姓子不辟宗

慶盧皆姜姓

何也曰宗不余辟余獨焉辟

之賦詩斷章余取所求焉惡識宗癸言王何而反之二

人皆嬖使執寢戈而先後之公膳

卿大夫之膳

曰雙雞饗人

竊更之以鯨御者知之則去其肉而以其泊

汁饋也子雅

子尾怒

二人惠公孫

慶封告盧蒲癸盧蒲癸曰譬之如禽獸

吾寢處之矣使析歸父告晏平仲平仲曰嬰之衆不足

用也知無能謀也言弗敢出有盟可也子家

析歸父

曰子

之言云又焉用盟告北郭子車子車子車曰人各有以事君

非佐

子車名

之所能也陳文子謂桓子

文子

曰禍將作矣

吾其何得對曰得慶氏之木百車于莊文子曰可慎守

也已盧蒲癸王何卜攻慶氏示子之兆曰或卜攻警敢

獻其兆子之曰克見血冬十月慶封田于萊陳無宇

即桓

子從丙辰文子使召之請曰無宇之母疾病請歸慶季

即卜之示之兆曰死奉龜而泣乃使歸慶嗣

封之族

聞之

曰禍將作矣謂子家

慶封字

速歸禍作必于嘗歸猶可及

也子家弗聽亦無悛志子息

慶嗣

曰亡矣幸而獲在吳越

陳無宇濟水而戕舟發梁盧蒲姜

癸妻舍之女

謂癸曰有事

而不告我。必不捷矣。癸告之。姜曰：夫子慶愼莫之止。將  
不出。我請止之。癸曰：諾。十一月乙亥，嘗于大公之廟。慶  
舍蒞事。盧蒲姜告之。且止之。弗聽。曰：誰敢者？遂如公麻  
嬰爲尸。慶集爲上獻。盧蒲癸王何執寢戈。慶氏以其甲  
環公宮。陳氏鮑氏之圉人爲優。慶氏之馬善驚，士皆釋  
甲束馬而飲酒。且觀優。至于魚里，樂子高子陳須鮑國  
之徒介也。因慶氏之甲子尾，抽桷擊扉。三盧蒲癸自後刺  
子之。王何以戈擊之，解其左肩，猶援廟桷，動于甍，以俎  
壺投殺人而後死。遂殺慶繩集。麻嬰公懼，鮑國曰：羣臣



爲君故也。陳須無以公歸稅服而如內宮慶封歸遇告  
亂者。丁亥伐西門弗克。還伐北門克之。入伐內宮弗克。  
反陳于嶽。請戰弗許。遂來奔。獻車于季武子。美澤可以  
鑑。展莊叔見之曰。車甚澤。人必瘁。宜其亡也。叔孫穆子  
食慶封。慶封汜祭。散豆間所祭之物穆子不說。使工爲之誦茅  
鵬。刺不敬亦不知。旣而齊人來讓。奔吳。吳勾餘。吳子夷昧子之  
朱方聚其族焉而居之。富于其舊。子服惠伯謂叔孫曰。  
天殆富淫人。慶封又富矣。穆子曰。善。人富謂之賞。淫人  
富謂之殃。天其殃之也。其將聚而殲旃。崔氏之亂。喪

羣公子故鉏在魯叔孫還在燕賈在勾瀆之丘及慶氏  
亡皆召之具其器用而反其邑焉與晏子邲殿其鄙六  
十弗受子尾曰富人之所欲也何獨弗欲對曰慶氏之  
邑足欲故亡吾邑不足欲也益之以邲殿乃足欲足欲  
亡無日矣在外不得宰吾一邑不受邲殿非惡富也恐  
失富也且夫富如布帛之有幅焉爲之制度使無遷也  
夫民生厚而用利于是乎正德以幅之使無黜嫚謂之  
幅利利過則爲敗吾不敢貪多所謂幅也與北郭佐邑  
六十受之與子雅邑辭多受少與子尾邑受之而稍致

之公以爲忠故有寵釋盧蒲癢于北竟求崔杼之尸將  
僇之不得叔孫穆子曰必得之武王有亂臣十人崔杼  
其有乎不十人不足以葬旣崔氏之臣曰與我其拱璧  
吾獻其柩于是得之十二月乙亥朔齊人遷莊公殯于  
大寢以其棺尸崔杼于市國人猶知之皆曰崔子也

昭公三年

齊侯使晏嬰請繼室于晉曰寡君使嬰曰寡人願

事君朝夕不倦將奉質幣以無失時則國家多難是以  
不獲不腆先君之適姜少以備內官焜耀寡人之望則又  
無祿早世隕命寡人失望君若不忘先君之好惠顧齊

國辱收寡人。徼福于大公丁公。照臨敝邑。鎮撫其社稷。則猶有先君之適。及遺姑姊妹。若而人。君若不棄敝邑。而辱使董振擇之。以備嬪嬙。寡人之望也。韓宣子使叔向對曰。寡君之願也。寡君不能獨任其社稷之事。未有伉儷在纓經之中。是以未敢請。君有辱命。惠莫大焉。若惠顧敝邑。撫有晉國。賜之內主。豈唯寡君舉羣臣實受其貺。其自唐叔以下。實寵嘉之。旣成昏。晏子受禮。叔向從之。宴相與語。叔向曰。齊其何如。晏子曰。此季世也。吾弗知。齊其爲陳氏矣。公棄其民而歸于陳氏。齊舊四量。

豆區釜鍾四升爲豆各自其四四豆爲區以登于釜六

升釜十則鍾六斛陳氏三量皆登一焉加舊量鍾

乃大矣以家量貸而以公量收之山水如市弗加于山

魚鹽蜃蛤弗加于海民參三分其力二入于公而衣食

其一公聚朽蠹而三老上中下凍餒國之諸市屢賤踊

貴用跽者民人痛疾而或煥休之其愛之如父母而歸

之如流水欲無獲民將焉辟之箕伯直柄虞遂伯戲其

相胡公犬姬已在齊矣皆陳氏之祖言其叔向曰然雖

吾公室今亦季世也戎馬不駕卿無軍行公乘無人卒

列無長庶民罷敝而宮室滋侈道殫相望而女富溢尤  
民聞公命如逃寇讐樂郤胥原狐續慶伯降在阜隸政  
在家門民無所依君日不悛以樂悵憂公室之卑其何  
日之有讒鼎之銘曰昧旦丕顯後世猶息況日不悛其  
能久乎晏子曰子將若何叔向曰晉之公族盡矣胥聞  
之公室將卑其宗族枝葉先落則公從之胥之宗十一  
族唯羊舌氏在而已胥又無子無賢子公室無度幸而得  
死豈其獲祀初景公欲更晏子之宅曰子之宅近市湫  
隘囂塵不可以居請更諸爽塏者辭曰君之先臣客焉

臣不足以嗣之于臣侈矣。且小人近市。朝夕得所求。小人之利也。敢煩里旅。公笑曰。子近市。識貴賤乎。對曰。既利之。敢不識乎。公曰。何貴何賤。于是景公繁于刑。有鬻踊者。故對曰。踊貴履賤。既已告于君。故與叔向語而稱之。景公爲是省于刑。君子曰。仁人之言。其利溥哉。晏子一言而齊侯省刑。詩曰。君子如祉。亂庶遄已。其是之謂乎。及晏子如晉。公更其宅。反則成矣。既拜乃毀之。而爲里室。鄉鄰之宅皆如其舊。則使宅人反之。使鄰仍居之且諺曰。非宅是卜。唯鄰是卜。二三子先卜鄰矣。言鄰人先居此違卜不

祥。君子不犯非禮。小人不犯不祥。古之制也。吾敢違諸。  
乎。卒復其舊宅。公弗許。因陳桓子以請。乃許之。齊侯  
田于莒。盧蒲癸見泣。且請曰。余髮如此種種。短也。余奚能  
爲。公曰。諾。吾告二子。子雅。歸而告之。子尾。欲復之。子雅  
不可。曰。彼其髮短而心甚長。其或寢處我矣。九月。子雅  
放盧蒲癸于北燕。齊公孫竈。子雅卒。司馬竈見晏子曰。  
又喪子雅矣。晏子曰。惜也。子旗。子雅之子。不免殆哉。姜族弱  
矣。而嬀。陳氏。將始昌。二惠。雅尾皆。競爽。猶可。又弱一个焉。  
姜其危哉。



十有二年春  
齊高僖帥師  
納北燕伯于  
陽

公羊子曰。伯于陽者何。公子陽生也。子曰。我乃知之矣。在側者曰。子苟知之。何以不韋。曰。如爾所不知。何春秋之信史也。其序則齊桓晉文。其會則主會者爲之也。其詞則丘有罪焉爾。

昭公十九年。齊高發帥師伐莒。莒子奔紀鄆。使孫書伐之。初

莒有婦人。莒子殺其夫。已爲嫠婦。及老託于紀鄆紡焉。

以度。度城之丈尺而去。也及師至。則投諸外。或獻諸子占。

子占使師夜縋而登。登者六十人。縋絕。師鼓譟城上之。

人亦譟。莒共公懼。啓西門而出。七月丙子。齊師入紀。

齊侯疥遂疢

瘰癧疾

期而不瘳諸侯之賓問疾者多在梁丘

據與裔款言于公曰吾事鬼神豐于先君有加矣今君

疾病爲諸侯憂是祝史之罪也諸侯不知其謂我不敬

君盍誅于祝固史罔以辭賓公說告晏子晏子曰日宋

之盟屈建問范會之德于趙武趙武曰夫子之家事治

言于晉國竭情無私其祝史祭祀陳信不愧其家事無

猜其祝史不祈建以語康王

楚王

康王曰神人無怨宜夫

子之光輔五君

文襄靈成景

以爲諸侯主也公曰據與款謂

寡人能事鬼神故欲誅于祝史子稱是語何故對曰若

有德之君。外內不廢。上下無怨。動無違事。其祝史荐信。無愧心矣。是以鬼神用饗。國受其福。祝史與焉。其所以蕃祉老壽者。爲信君使也。其言忠信于鬼神。其適遇淫君。外內頗邪。上下怨疾。動作辟違。從欲厭私。高臺深池。撞鍾舞女。斬刈民力。輸掠其聚。以成其違。不恤後人。暴虐淫從。肆行非度。無所還忌。不思謗譴。不憚鬼神。神怒民痛。無懷于心。其祝史荐信。是言罪也。其蓋失數美。是矯誣也。進退無辭。則虛以求媚。是以鬼神不饗其國。以禍之。祝史與焉。所以天昏孤疾者。爲暴君使也。其言僭

嫚于鬼神。公曰。然則若之何。對曰。不可爲也。山林之木。衡鹿守之。澤之萑蒲。舟鮫守之。藪之薪蒸。虞候守之。海之鹽蜃。祈望守之。縣鄙之人。入從其政。偪介之關。暴征其私。承嗣大夫。強易其賄。布常無藝。徵斂無度。官室日更。淫樂不違。內寵之妾。肆奪于市。外寵之臣。僭令于鄙。私欲養求。不給則應。民人苦病。夫婦皆詛。祝有益也。詛亦有損。聊攝以東。姑尤以西。其爲人也多矣。雖其善祝。豈能勝億兆人之詛。君若欲誅于祝。史修德而後可。公說。使有司寬政。毀關。去禁。薄斂。已責。十二月。齊侯田于

沛招虞人以弓。不進。公使執之。辭曰。昔我先君之田也。旗以招大夫。弓以招士。皮冠以招虞人。臣不見皮冠。故不敢進。乃舍之。仲尼曰。守道不如守官。君子韙之。齊侯至自田。晏子侍于遄臺。子猶梁丘據馳而造焉。公曰。唯據與我和夫。晏子對曰。據亦同也。焉得爲和。公曰。和與同異乎。對曰。異。和如羹焉。水火醯醢鹽梅以烹魚肉。燂之以薪。宰夫和之。齊之以味。濟其不及。以洩其過。君子食之以平其心。君臣亦然。君所謂可而有否焉。臣獻其否。以成其可。君所謂否而有可焉。臣獻其可以去其否。是

以政平而不干民無爭心故詩曰亦有和羹既戒既平  
黷敬無言時靡有爭先王之濟五味和五聲也以平其  
心成其政也聲亦如味一氣樂以二體舞有三類風雅  
四物四方之物五聲六律七音五音加變八風八方之風九歌六府  
三以相成也清濁小大短長疾徐哀樂剛柔遲速高下  
出入周疏以相濟也君子聽之以平其心心平德和故  
詩曰德音不瑕今據不然君所謂可據亦曰可君所謂  
否據亦曰否若以水濟水誰能食之若琴瑟之專壹誰  
能聽之同之不可也如是飲酒樂公曰古而無死其樂

若何。晏子對曰：古而無死，則古之樂也。君何得焉？昔爽鳩氏始居此地，季荊因之，有逢伯陵因之，蒲姑氏因之，而後犬公因之。古若無死，爽鳩氏之樂，非君所願也。

昭公二十六年

齊有彗星，齊侯使禳之。晏子曰：無益也。祇取誣

焉。天道不謬，不貳其命。若之何禳之？且天之有彗也，以除穢也。君無穢德，又何禳焉？若德之穢，禳之何損？詩曰：惟此文王，小心翼翼，昭事上帝，聿懷多福。厥德不回，以受方國。君無違德，方國將至。何患于彗？詩曰：我無所監，夏后及商，用亂之故。民卒流亡，若德回亂，民將流亡。祝

史之爲無能補也。公說乃止。齊侯與晏子坐于路寢。公  
歎曰。美哉室。其誰有此乎。晏子曰。敢問何謂也。公曰。吾  
以爲在德。對曰。如君之言。其陳氏乎。陳氏雖無大德。而  
有施于民。豆區釜鍾之數。其取之公也薄。其施之民也  
厚。公厚欽焉。陳氏厚施焉。民歸之矣。詩曰。雖無德與女。  
式歌且舞。陳氏之施。民歌舞之矣。後世若少惰。陳氏而  
不亡。則國其國也已。公曰。善哉。是可若何。對曰。唯禮可  
以已之。在禮家施不及。國民不遷。農不移。工賈不變。士  
不濫官。不滔大夫。不收公利。公曰。善哉。我不能矣。吾今



而後知禮之可以爲國也。對曰：禮之可以爲國也久矣。與天地並。君令臣共。父慈子孝。兄愛弟敬。夫和妻柔。姑慈婦聽。禮也。君令而不違。臣共而不貳。父慈而教。子孝而箴。兄愛而友。弟敬而順。夫和而義。妻柔而正。姑慈而從。婦聽而婉。禮之善物也。公曰：善哉。寡人今而後聞此禮之上也。對曰：先王所稟于天地以爲其民也。是以先王上之。定公九年齊侯伐晉夷儀。敝無存之父將室之。辭以與其弟曰：此役也不死。反必娶于高國。先登求自門。出死于雷下。東郭書讓登。犁彌從之。曰：子讓而左。我讓

而右。使登者絕而後下。書左。彌先下。書與王猛。息猛曰。我先登。書斂甲曰。曩者之難。今又難焉。猛笑曰。吾從子如驂之靳。晉車千乘在中牟。衛侯將如五氏。卜過之。龜焦衛侯曰。可也。衛車當其半。寡人當其半。敵矣。乃過中牟。中牟人欲伐之。衛褚師剛亡在中牟。曰。衛雖小。其君在焉。未可勝也。齊師克城而驕。其帥又賤。遇必敗之。不如從齊。乃伐齊師。敗之。齊侯致禱媚杏于衛。齊侯賞犁彌辭曰。有先登者。臣從之。皙憤而貍製。公使視東郭書。曰。乃夫子也。吾貍子。公賞東郭書。辭曰。彼賓旅也。乃賞

犁彌齊師之在夷儀也。齊侯謂夷儀人曰：「得敝無存者，以五家免，乃得其尸。」公三禭之，與之犀軒與直蓋而先歸之。坐引者以師哭之，親推之三。

哀公五年齊燕姬生子

不成而死。諸子鬻姒之子荼，嬖諸大夫恐其爲犬子也，言于公曰：「君之齒長矣，未有犬子，若之何？」公曰：「二三子聞于憂虞，則有疾疢，亦姑謀樂何憂乎？」無君，公疾使國。惠子高昭子立荼，置羣公子于萊。秋，齊景公卒，公子嘉、公子駒、公子黔奔衛。公子鉏、公子陽生來奔，萊人歌之曰：「景公死乎不與埋，三軍之事乎不與謀，師乎師乎，何。」

黨之乎。

哀公六年

齊陳乞僞事高國者每朝必驂乘焉所

從必言諸大夫曰彼皆僂蹇將弃子之命皆曰高國得

君必偪我盍去諸固將謀子子早圖之圖之莫如盍滅

之需事之下也及朝則曰彼指諸大夫虎狼也見我在子之

側殺我無日矣請就之位欲與諸大夫謀又謂諸大夫

曰二子高者禍矣恃得君而欲謀二三子曰國之多難

貴寵之由盡去之而後君定既成謀矣盍及其未作也

先諸作而後悔亦無及也大夫從之夏六月戊辰陳乞

鮑牧及諸大夫以甲入于公宮昭子高聞之與惠子國

乘如公戰于莊、敗國人追之、國夏奔莒、遂及高張、晏圍  
莒、施來奔、八月、齊郕意茲、高國來奔、陳僖子、陳使召  
公子陽生、陽生駕而見南郭且子、公子曰、嘗獻馬于季  
孫、不入于上乘、故又獻此、請與子乘之、出萊門而告之  
故闕止、陽生知之、先待諸外、公子曰、事未可知、反與壬  
子、陽生也、處戒之、戒勿遂行、逮夜、至于齊、國人知之、僖子  
使子士之母、僖子養之、與饋者皆入、入處冬十月丁卯、  
立之、將盟、鮑子醉而往、其臣差車、鮑黜曰、此誰之命也。  
陳子曰、受命于鮑子、遂誣鮑子曰、子之命也、鮑子曰、女

忘君之爲孺子牛而折其齒乎而背之也。孺子茶也景公嘗銜繩爲

牛使茶牽之茶悼公陽稽首曰吾子奉義而行者也若

頓地故折其齒我可不亡一大夫。言已可爲君若我不可不必亡一

公子。公子自稱也恐鮑子殺已故要之義則進否則退敢不唯子是從。

廢典無以亂則所願也。鮑子曰誰非君之子乃受盟使

胡姬。景公妾以安孺子如賴去鬻姒。茶之殺王甲。扞江說。

囚王豹于句瀆之丘。三人皆公使朱毛告于陳子曰微

子則不及此。然君異于器不可以二。器二不匿君二多。

難敢布諸大夫。僖子不對而泣曰君舉不信羣臣乎以

六年齊陳乞  
弑其君荼

齊國之困。困又有憂。少君不可以訪。是以求長君。庶亦  
能容羣臣乎。不然。夫孺子何罪。毛復命。公悔之。毛曰。君  
大訪于陳子。而圖其小可也。大指國政。小謂殺荼。使毛遷孺子于  
貽。不至殺諸野幕之下。葬諸爰日淳。

公羊子曰。弑而立者。不以當國之辭言之。此其以當  
國之辭言之何。爲諉也。此其爲諉奈何。景公謂陳乞  
曰。吾欲立荼。何如。陳乞曰。所樂乎爲君者。欲立之。則  
立之。不欲立。則不立。君如欲立之。則臣請立之。陽生  
謂陳乞曰。吾聞子蓋將不欲立我也。陳乞曰。夫千乘

之主。將廢正而立不正。必殺正者。吾不立子者。所以  
生子者也。走矣。與之玉節而走之。景公死而荼立。陳  
乞使人迎陽生于諸其家。除景公之喪。諸大夫皆在  
朝。陳乞曰。常之母有魚菽之祭。願諸大夫之化我也。  
諸大夫皆曰。諾。于是皆之陳乞之家。坐。陳乞曰。吾有  
所爲。甲請以示焉。諸大夫皆曰。諾。于是使力士舉巨  
囊。而至于中雷。諸大夫見之。皆色然而駭。開之。則闔  
然公子陽生也。陳乞曰。此君也已。諸大夫不得已。皆  
逡巡北面再拜稽首。而君之爾。自是往弑荼。



哀公十齊簡公悼公之子之在魯也闕止子有寵焉及卽位

使爲政陳成子常憚之驟顧諸朝諸御鞅齊大言于公

曰陳闕不可並也君其擇焉弗聽于我夕陳逆子殺人

逢之遂執以入執逆陳氏方睦使疾詐而遺之潘沐潘

沐頭可以備酒肉焉饗守囚者醉而殺之而逃子我盟諸

陳于陳宗初陳豹欲爲子我臣使公孫言己已有喪而

止旣而言之曰有陳豹者長而上僂望視事君子指闕

必得志欲爲子臣吾憚其爲人也故緩以告子我曰何

害是其在我也使爲臣他日與之言政說遂有寵謂之

曰。我盡逐陳氏而立女。若何。對曰。我遠于陳氏矣。且其  
違者。不過數人。何盡逐焉。遂告陳氏。子行曰。彼得君弗  
先。必禍于子。行舍于公宮。夏五月壬申。成子兄弟四乘  
如公子。我在幄。出逆之。遂入。閉門。子不納侍人禦之。子行  
殺侍人。公與婦人飲酒于檀臺。成子遷諸寢。公執戈將  
擊之。大史子餘曰。非不利也。將除害也。成子出舍于庫。  
聞公猶怒。將出。曰。何所無君。子行抽劔曰。需事之賊也。  
誰非陳宗。所不殺子者。有如陳宗。乃止。子我歸。屬徒攻  
闐與大門。皆不勝。乃出。陳氏追之。失道于弇中。適豐丘。

左傳卷八

豐丘人執之以告

執闕止以告陳氏

殺諸郭闕成子將殺大陸

子方

臣子我

陳逆請而免之以公命取車于道及邠衆知

而東之出雍門陳豹與之車弗受曰逆爲余請豹與余

私焉事子我而有私于其讐何以見魯衛之士

即子方

奔衛庚辰陳恒執公于舒州公曰吾早從

言不及此

哀公十五年

齊陳瓘

陳恒兄子玉

如楚過衛仲

山見之曰天或者以陳氏爲斧斤旣斲喪公室而他人

有之不可知也其使終饗之亦不可知也若善魯以待

時不亦可乎何必惡焉子玉曰然吾受命矣子使告我

弟子成冬及齊平。子服景伯如齊。子貢爲介。見公孫成曰。

人皆臣人而有背人之心。況齊人雖爲子役。其有不貳

乎。子周公之孫也。多饗大利。猶思不義利不可得而喪

宗國。將焉用之。成曰。善哉。吾不早聞命。陳成子館客。子使

貢景伯就館。曰。寡君使恒告曰。寡人願事君如事衛君。景伯

揖子貢而進之。對曰。寡君之願也。昔晉人伐衛。齊爲衛

故。伐晉冠氏。喪車五百。因與衛地。自濟以西。蘄媚杏以

南。書社五百。二十五家爲一社。籍書而致之。吳人加敝邑以亂。齊因其

病。取譴與闡。寡君是以寒心。若得視衛君之事。君也。則

固所願也。成子病之，乃歸成。公孫宿以其兵甲入于羸。  
宿爲成宰故  
前稱公孫成

左氏條貫卷八

男官賀校字

左氏條貫卷九

長洲曹

基德培編次

門人張

兼念凌  
典懷鞠  
叅訂

宋

宋穆公

隱公三年宋穆公疾召大司馬孔父而屬殤公與焉曰先君  
穆公兄舍與夷而立寡人寡人弗敢忘若以大夫之靈  
宣公得保首領以沒先君若問與夷其將何辭以對請子奉  
之以主社稷寡人雖死亦無悔焉對曰羣臣願奉焉也  
穆公子公曰不可先君以寡人爲賢使主社稷若棄德  
莊公不讓是廢先君之舉也豈曰能賢光昭先君之令德可

不務乎吾子其無廢先君之功。使公子馮出居于鄭。八月庚辰宋穆公卒。殤公卽位。君子曰。宋宣公可謂知人矣。立穆公。其于饗之命以義。夫商頌曰。殷受命咸宜。百祿是荷。其是之謂乎。

公羊子曰。葬者曷爲或日或不日。不及時而日。渴葬也。諸侯五月而葬。不及時而不日。慢葬也。過時而及五月爲不及時。不及時而不日。慢葬也。過時而日。隱之也。過時而不日。謂之不能葬也。當時而不日。正也。當時而日。危不得葬也。此當時何危爾。宣公謂穆公曰。以吾愛與夷。則不若愛女。以爲社稷宗廟主。

則與夷不若女。盍終爲君矣。宣公死，穆公立。穆公逐其二子。莊公馮與左師勃曰：爾爲吾子生，毋相見，死毋相哭。與夷復曰：先君之所爲，不與臣國而納國于君者，以君可以爲社稷宗廟主也。今君逐君之二子而將致國乎與夷，此非先君之意也。且使子而可逐，則先君其逐臣矣。穆公曰：先君之不爾逐，可知矣。吾立乎此，攝也。終致國乎與夷，莊公馮弑與夷，故君子大居正。宋之禍，宣公爲之也。

桓公元年，宋華父督見孔父之妻于路，目逆而送之，曰：美而



二年春王正月戊申宋督弑其君與夷及其大夫孔

豔

桓公二年

宋督攻孔氏殺孔父而取其妻公怒督懼遂

弑殤公君子以督為有無君之心而後動于惡故先書

弑其君會于稷以成宋亂先是公會齊侯陳侯鄭伯于稷為賂故立華

氏也宋殤公立十年十一戰民不堪命孔父嘉為司馬

督為大宰故因民之不堪命先宣言曰司馬則然已殺

孔父而弑殤公召莊公于鄆而立之以親鄭以郕大鼎

賂公齊陳鄭皆有賂故遂相莊公

公羊子曰及者何累也弑君多矣舍此無累者乎曰

有仇牧荀息皆累也舍仇牧荀息無累者乎曰有有

則此何以書。賢也。何賢乎孔父。孔父可謂義形于色矣。其義形于色。奈何。督將弑殤公。孔父生而存。則殤公不得而弑也。故于是先攻孔父之家。殤公知孔父死已必死。趨而救之。皆死焉。孔父正色而立于朝。則人莫敢過而致難于其君者。孔父可謂義形于色矣。

莊公十一年 乘丘之役。十年魯敗宋于乘丘 公以金僕姑射南宮長萬。宋大 公右歡孫生搏。取也 宋人請之。宋公靳之。戲而愧之也 曰。始吾敬子。今子魯囚也。吾弗敬子矣。病之。莊公十二年 宋萬弑閔公于蒙澤。遇仇牧于門。批而殺之。遇大宰督。

于東宮之西又殺之立子游羣公子奔蕭公子御說奔

亳南宮牛子長萬猛獲萬之黨帥師圍亳冬十月蕭叔大心

及戴武宣穆莊之族以曹師伐之殺南宮牛于師殺子

游于宋立桓公御說猛獲奔衛南宮萬奔陳以乘車輦其

母一日而至宋人請猛獲于衛衛人欲勿與石祁子曰

不可天下之惡一也惡于宋而保于我保之何補得一

夫而失一國與惡而弃好非謀也衛人歸之亦請南宮

萬于陳以賂陳人使婦人飲之酒而以犀革裹之比及

宋手足皆見宋人皆醢之

公羊子曰。及者何。累也。弑君多矣。舍此無累者乎。孔  
父苟息皆累也。舍孔父苟息無累者乎。曰有。有則此  
何以書。賢也。何賢乎。仇牧。仇牧可謂不畏彊禦矣。其  
不畏彊禦奈何。萬嘗與莊公戰。獲乎莊公。莊公歸。散  
舍諸宮中。數月。然後歸之。歸反爲大夫。于宋與閔公  
名博。婦人皆在側。萬曰。甚矣魯侯之淑。魯侯之美也。  
天下諸侯宜爲君者。唯魯侯爾。閔公矜此婦人。如其  
言。顧曰。此虜也。爾虜焉。故魯侯之美惡乎至。萬怒搏  
閔公。絕其脰。仇牧聞君弑。趨而至。遇之于門。手劒而

此之萬臂撥仇牧。碎其首。齒着乎門闥。仇牧可謂不畏彊禦矣。

僖公八年宋公疾。犬子茲父固請曰。目夷。茲父庶兄。魚長且仁。君

其立之。公命子魚。子魚辭曰。能以國讓仁。孰大焉。臣不

及也。且又不順。遂走而退。僖公十年春。隕石于宋五。隕

星也。六鵲退飛。過宋都。風也。周內史叔興聘于宋。宋襄

公問焉。曰。是何祥也。吉凶焉。在。對曰。今茲魯多大喪。明

年齊有亂。君將得諸侯而不終。退而告人曰。君失問。是

陰陽之事。非吉凶所生也。吉凶由人。吾不敢逆君故也。

公羊子宋  
五月六鷁  
退飛過宋都

公羊子曰。曷爲先言隕而後言石。隕石記聞。聞其礮然。視之則石。察之則五。是月者何。僅逮是月也。何以不曰晦日也。晦則何以不言晦。春秋不書晦也。朔有事則書晦。雖有事不書。曷爲先言六而後言鷁。六鷁退飛。記見也。視之則六。察之則鷁。徐而察之則退飛。五石六鷁。何以書記異也。外異不書。此何以書。爲王者之後記異也。

穀梁子曰。先隕而後石。何也。隕而後石也。于宋四竟之內。曰宋後數散辭也耳。治也。是月者。決不日而

月也。六鵙退飛過宋都。先數聚辭也。目治也。子曰。石  
無知之物。鵙微有知之物。石無知。故曰之。鵙微有知  
之物。故月之。君子之于物。無所苟而已。石鵙且猶盡  
其辭。而況于人乎。故五石六鵙之辭。不設則王道不  
亢矣。民所聚曰都。

僖公十  
九年

宋公使邾文公用郕子于次睢之社。欲以屬東

夷。司馬子魚曰。古者六畜不相爲用。小事不用大牲。而

況敢用人乎。祭祀以爲人也。民神之主也。用人其誰享

之。齊桓公存三亡國。

魯衛  
邢

以屬諸侯。義士猶曰薄德。今

一會而虐二國之君。又用諸淫昏之鬼。將以求霸。不亦  
難乎。得死爲幸。宋人圍曹。討不服也。子魚言于宋公。  
曰。文王聞崇德亂而伐之。軍三旬而不降。退修教而復  
伐之。因壘而降。詩曰。刑于寡妻。至于兄弟。以御于家邦。  
今君德無乃猶有所闕。而以伐人。若之何。盍姑內省德  
乎。無闕而後動。僖公二年宋襄公欲合諸侯。臧文仲聞  
之。曰。以欲從人。則可以人從欲。鮮濟。僖公二年諸侯會  
宋公于孟。子魚曰。禍其在此乎。君欲已甚。其何以堪之。  
于是楚執宋公。以伐宋。冬會于薄。以釋之。子魚曰。禍猶



楚人使宣  
來獻捷

未也。未足以懲君。

公羊子曰：此楚子也。其稱人何？貶曷爲貶？爲執宋公。貶曷爲爲執宋公？貶宋公與楚子期以乘車之會。公子目夷諫曰：楚夷國也，強而無義，請君以兵車之會往。宋公曰：不可。吾與之約以乘車之會，自我爲之，自我墮之，曰不可，終以乘車之會往。楚人果伏兵車執宋公以伐宋。宋公謂公子目夷曰：子歸守國矣。國子之國也。吾不從子之言，以至乎此。公子目夷復曰：君雖不言國，國固臣之國也。于是歸設守械而守國。楚

人謂宋人曰。子不與我國。吾將殺子君矣。宋人應之曰。吾賴社稷之神靈。吾國已有君矣。楚人知雖殺宋公。猶不得宋國。于是釋宋公。宋公釋乎。執走之。衛公子目夷復曰。國爲君守之。君曷爲不入。然後逆襄公。歸惡乎捷。捷乎宋。曷爲不言捷乎宋。爲襄公諱也。此闢辭也。曷爲不言其闢。爲公子目夷諱也。

僖公二十二年。宋公及楚人戰于泓。宋人旣成列。楚人未旣濟。司馬曰。彼衆我寡。及其未旣濟也。請擊之。公曰。不可。旣濟而未成列。又以告。公曰。未可。旣陳而後擊之。宋師敗。

三十有一月  
已卯宋公

績公傷股門官殲焉國人皆咎公公曰君子不重傷不禽二毛古之爲軍也不以阻隘也寡人雖亡國之餘不鼓不成列子魚曰君未知戰勅敵之人隘而不列天贊我也阻而鼓之不亦可乎猶有懼焉且今之勅者皆吾敵也雖及胡考獲則取之何有于二毛明恥教戰求殺敵也傷未及死如何勿重若愛重傷則如勿傷愛其二毛則如服焉三軍以利用也金鼓以聲氣也利而用之阻隘可也聲盛致志鼓儼可也

穀梁子曰日事遇朔曰朔春秋三十有四戰未有以

尊敗乎甲。以師敗乎人者也。以尊敗乎甲。以師敗乎人。則驕其敵。襄公以師敗乎人而不驕其敵。何也。責之也。泓之戰。以爲復雠之恥也。雠之恥。宋襄公有以自取之。伐齊之喪。執滕子圍曹爲雠之會。不顧其力之不足。而致楚成王。成王怒而執之。故曰。禮人而不答。則反其敬。愛人而不親。則反其仁。治人而不治。則反其知。過而不改。又之。是謂之過。襄公之謂也。古者被甲嬰冑。非以興國也。則以征無道也。豈曰以報其恥哉。宋公與楚人戰于泓水之上。司馬子反曰。楚衆

我少鼓險而擊之。勝無幸焉。襄公曰。君子不推人厄。不攻人厄。須其出。旣出。旌亂于上。陳亂于下。子反曰。楚衆我少。擊之勝無幸焉。襄公曰。不鼓不成列。須其成列而後擊之。則衆敗而身傷焉。七月而死。倍則攻。敵則戰。少則守。人之所以爲人者。言也。人而不能言。何以爲人。言之所以爲言者。信也。言而不信。何以爲言。信之所以爲信者。道也。信而不道。何以爲信。道之貴者。時其行勢也。

穀梁子曰。外災不志。此何以志也。曰。災甚也。其甚奈

何茅茨盡矣。著于上。見于下。謂之雨。

文公七年夏四月宋成公卒。于是公子成爲右師。公孫友爲左師。樂豫爲司馬。鱗臚爲司徒。公子蕩爲司城。華御事。爲司寇。昭公將去羣公子。樂豫曰。不可。公族公室之枝葉也。若去之。則本根無所庇蔭矣。葛藟猶能庇其本根。故君子以爲比。況國君乎。此諺所謂庇焉而縱尋斧焉者也。必不可。君其圖之。親之以德。皆股肱也。誰敢攜貳。若之何。去之不聽。穆襄之族率國人以攻公。殺公孫固。公孫鄭于公宮。六卿

右師等六人

和公室。樂豫舍司馬以讓

宋昭公

公子邛昭公卽位而葬書曰宋人殺其大夫不稱名衆也且言非其罪也

文公十六年宋公子鮑昭公庶弟禮于國人

宋飢竭其粟而貸之年自七十以上無不饋詒也時加羞珍異無日不數于六卿之門國之材人無不事也親自桓以下無不恤也公子鮑美而監襄夫人鮑適祖母欲通之而不可乃助之施昭公無道國人奉公子鮑以因夫人于是華元爲右師公孫友爲左師華耦爲司馬鱗曜爲司徒蕩意諸爲司城公子朝爲司寇初司城蕩卒公孫壽辭司城請使意諸爲之旣而告人曰君無道吾官

近懼及焉。棄官則族無所庇。子身之貳也。姑紓死焉。雖  
亡子猶不亡族。既夫人將使公田孟諸而殺之。公知之。  
盡以寶行。蕩意諸曰。盍適諸侯。公曰。不能其大夫。至于  
君。祖母以及國人。諸侯誰納我。且既爲人君。而又爲人  
臣。不如死。盡以其寶賜左右而使行。夫人使謂司城去。  
公對曰。臣之而逃其難。若後君何。冬十一月甲寅。宋昭  
公將田孟諸。未至。夫人王姬使帥甸攻而殺之。蕩意諸  
死之。書曰。宋人弑其君杵臼。君無道也。文公公即位。  
使母弟須爲司城。華耦卒。而使蕩虺爲司馬。  
鮑公宣公二年春。



鄭公子歸生受命于楚伐宋。宋華元樂呂禦之。二月壬子戰于大棘。宋師敗績。囚華元。獲樂呂及甲車四百六十乘。俘二百五十人。馘取左耳百人。狂狡宋大夫鄭人。鄭人入于井。倒戟而出之。獲狂狡。君子曰。失禮違命。宜其為禽也。戎昭果毅。以聽之。之謂禮。殺敵為果。致果為毅。易之。僂也。將戰。華元殺羊食士。其御羊斟不與。及戰。曰。疇昔之羊子為政。今日之事。我為政。與入鄭師。故敗。君子謂羊斟非人也。以其私憾。敗國殄民。于是刑孰大焉。詩所謂人之無良者。其羊斟之謂乎。殘民以逞。宋人以

兵車百乘文馬百駟以贖華元于鄭牛入華元逃歸立

于門外告而入見叔牂羊曰子之馬然也對曰非馬也

其人也既合也谷而來奔宋城華元為植主其事巡功城者

謳曰睥其目皤其腹棄甲而復于思于思多鬚奔甲復

來使其驂乘謂之曰牛則有皮犀兕尚多弃甲則那役

人曰從其有皮丹漆若何華元曰去之夫其口衆我寡

宣公十四年楚子使申舟畏無聘于齊曰無假道于宋亦使

公子馮聘于晉不假道于鄭申舟以孟諸之役惡宋扶舟

宋公曰鄭昭宋孽晉便不害我則必死王曰殺女我伐

之見犀

舟之于見之以託王

而行及宋宋人止之華元曰過我而

不假道鄙我也鄙我亡也殺其使者必伐我伐我亦亡

也亡一也乃殺之楚子聞之投袂而起屨及于室皇劔

及于寢門之外車及于蒲胥之市秋九月楚子圍宋

宣公十年宋人使樂嬰齊告急于晉晉侯欲救之伯宗曰

不可古人有言曰雖鞭之長不及馬腹天方授楚米可

與爭雖晉之強能違天乎諺曰高下在心川澤納汙山

數藏疾瑾瑜匿瑕國君含垢天之道也君其待之乃止

使解揚如宋使無降楚曰晉師悉起將至矣鄭人囚而

獻諸楚。楚子厚賂之。使反其言。不許。三而許之。登諸樓車。使呼宋人而告之。遂致其君命。楚子將殺之。使與之言曰。爾既許不殺而反之。何故。非我無信。女則弃之。速卽爾刑。對曰。臣聞之。君能制命爲義。臣能承命爲信。信載義而行之。爲利謀。不失利。以衛社稷。民之主也。義無二信。信無二命。君之賂臣。不知命也。受命以出。有死無貲。又可賂乎。臣之許君。以成命也。死而成命。臣之祿也。寡君有信。臣下臣獲考死。又何求。楚子舍之以歸。夏五月。楚師將去宋。申犀稽首于王之馬前曰。毋畏知死而

夏五月宋人  
及楚人平

不敢廢王命。王弃言焉。王不能答。申叔時僕曰：築室反  
畔者，宋必聽命。從之。宋人懼，使華元夜入楚師，登子反  
之牀，起之曰：寡君使元以病告。曰：敝邑易子而食，析骸  
以爨。雖然，城下之盟，有以國斃，不能從也。去我三十里。  
唯命是聽。子反懼，與之盟，而告王。退三十里。宋及楚平。  
華元爲質。盟曰：我無爾詐，爾無我虞。

公羊子曰：外平不書。此何以書？大其平乎已也。何大  
乎其平乎已？莊王圍宋，軍有七日之糧，爾盡此不勝，  
將去而歸。爾于是使司馬子反乘堙而闚宋城，宋華

元亦乘堙而出見之司馬子反曰子之國何如華元  
曰憊矣曰何如曰易子而食之析骸而炊之司馬子  
反曰嘻甚矣憊雖然吾聞之也聞者柑馬而秣之使  
肥者應客是何子之情也華元曰吾聞之君子見人  
之厄則矜之小人見人之厄則幸之吾見子之君子  
也是以告情于子也司馬子反曰諾勉之矣吾軍亦  
有七日之糧爾盡此不勝將去而歸爾揖而去之反  
于莊王莊王曰何如司馬子反曰憊矣曰何如曰易  
子而食之析骸而炊之莊王曰嘻甚矣憊雖然吾今

取此。然後而歸爾。司馬子反曰：不可。臣已告之矣。軍有七日之糧。爾莊王怒曰：吾使子往視之。子曷爲告之？司馬子反曰：以區區之宋，猶有不欺人之臣，可以楚而無乎？是以告之也。莊王曰：諾。舍而止。雖然，吾猶取此。然後歸爾。司馬子反曰：然則君請處于此。臣請歸爾。莊王曰：子去我而歸。吾孰與處于此？吾亦從子而歸爾。引師而去之。故君子大其平乎已也。此皆大夫也。其稱人何？貶曷爲貶？平者在下也。

成公二年 宋文公卒，始厚葬，用蜃炭，益車馬，始用殉，重器備。

樽有四阿。棺有輪檜。君子謂華元樂舉于是乎不臣。臣治煩去惑者也。是以伏死而爭。今二子者。君生則縱其惑。死又益其侈。是弃君于惡也。何臣之爲。襄公十一年宋華弱與樂繼少相狎。長相優。調戲又相謗也。子蕩繼怒以弓枯。以弓貫其頸華弱于朝。平公見之曰。司武而枯于朝。難以勝矣。遂逐之。夏。宋華弱來奔。司城子罕曰。同罪異罰。非刑也。專僇。辱華弱于朝。罪孰大焉。亦逐子蕩。子蕩射子罕之門曰。幾日而不我從。言亦逐子罕善之如初。襄公九年春宋災。樂喜爲司城。以爲政。使伯氏司里。火所未至。徹小。



屋塗大屋陳畚揭具纆缶備水器量輕重蓄水潦積土

塗巡丈城繕守備表火道使華臣具正徒令隧正納郊

保奔火所使華閱討也治右官官庀其司向戍討左亦如

之使樂過庀刑器亦如之使皇郎命校正出馬工正出

車備甲兵庀武守使西鉏吾庀府守令司宮巷伯儆宮

二師令四鄉正敬享祝宗用馬于四墉祀盤庚宋之祖于

門之外晉侯問于士弱曰吾聞之宋災于是乎知有

天道何故對曰古之火正掌火之神或食于心或食于味以

出內火心大火東方星味鶉火南方柳星也或以火正配食于大火之心星或以火正配食于鶉火之

柳星季春鶉火星昏在南方令民放火謂之出火季是  
秋大火星伏在日下夜不得見禁民放火謂之內火是  
故味爲鶉火心爲大火陶唐氏之火正閼伯高辛氏子居商  
丘祀大火而火紀時焉契之孫因之故商主大火商  
人閱其禍敗之釁必始于火是以日知其有天道也公  
曰可必乎對曰在道國亂無象不可知也

公羊子曰曷爲或言災或言火大者曰災小者曰火  
然則內何以不言火內不言火者甚之也何以書記  
災也外災不書此何以書爲王者之後記災也

襄公十  
五年 宋人或得玉獻諸子罕子罕弗受獻玉者曰以

示玉人玉人以爲寶也。故敢獻之。子罕曰：我以不貪爲寶。爾以玉爲寶。若以與我，皆喪寶也。不若人有其寶。稽首而告曰：小人懷璧，不可以越鄉，納此以請死也。子罕寘諸其里，使玉人爲之攻之，富而後使復其所。

襲公十七

年

宋皇國父爲大宰，爲平公築臺，妨于農收。子罕請俟

農功之畢，公弗許。築者謳曰：澤門之皙，

國父

寔興我役。邑

中之黔。

子罕

寔慰我心。子罕聞之，親執扑以行。築者而扶

其不勉者，曰：吾儕小人，皆有闔廬，以辟燥溼寒暑。今君

爲一臺而不速成，何以爲役？謳者乃止。或問其故，子罕

曰宋國區區而有詛有祝禍之本也

襄公二十六年初宋芮

司徒生女子赤而毛弃諸堤下共姬

宋伯姬

之妾取以入

名之曰棄長而美平公入夕共姬與之食公見棄也而

視之尤姬納諸御嬖生佐惡

貌惡而婉順

犬子姪美

貌美而

狠

心合左師

向畏而惡之寺人惠牆伊戾

惠牆名

為犬子

內師而無寵秋楚客聘于晉過宋犬子知之請野享之

公使往伊戾請從之公曰夫不惡女乎對曰小人之事

君子也惡之不敢遠好之不敢近敬以待命敢有貳心

乎縱有其外莫其其內臣請往也遣之至則飲用牲

左傳卷之九

加書徵之詐為反狀而騁告公曰犬子將為亂既與楚客盟

矣公曰為我子又何求對曰欲速公使視之則信有焉

問諸夫人棄與左師則皆曰固聞之公囚太子犬子曰

唯佐也能免我召而使請曰日中不來吾知死矣左師

聞之聒而與之語過期乃縊而死佐為太子公徐聞其

無罪也乃亨伊戾左師見夫人之步也習馬者問之對曰

君夫人氏也左師曰誰為君夫人余胡弗知國人歸以

告夫人夫人使饋之錦與馬先之以玉曰君之妾棄使

某獻左師改命曰君夫人而後再拜稽首受之

七年宋向戌善于趙文子又善于令尹子木欲弭諸侯之  
兵以爲名如晉告趙孟趙孟謀于諸大夫韓宣子曰兵  
民之殘也財用之蠹小國之大菑也將或弭之雖曰不  
可必將許之弗許楚將許之以召諸侯則我失爲盟主  
矣晉人許之如楚楚亦許之如齊齊人難之陳文子曰  
晉楚許之吾焉得已且人曰弭兵而我弗許則固攜吾  
民矣將焉用之齊人許之告于秦秦亦許之皆告于小  
國爲會于宋五月甲辰晉趙武至于宋丙午鄭良霄至  
六月丁未朔宋人享趙文子叔向爲介司馬置折俎

解折

體節升禮也。仲尼使舉是禮也。以爲多文辭。戊申，叔孫  
豹齊慶封陳須無衛石惡至。甲寅，晉荀盈從趙武至。丙  
辰，邾悼公至。壬戌，楚公子黑肱先至。戊言于晉。丁卯，宋  
向戌如陳，從子木。戌言于楚。戊辰，滕成公至。子木謂向  
戌請晉楚之從交相見也。庚午，向戌復于趙孟。趙孟曰  
晉楚齊秦匹也。晉之不能于齊，猶楚之不能于秦也。楚  
君若能使秦君辱于敝邑，寡君敢不固請于齊。壬申，左  
師復言于子木。子木使駟謁諸王。王曰：釋齊秦，他國請  
相見也。秋七月戊寅，左師至。是夜也，趙孟及子皙、黑肱盟。

以齊言

要齊其詞

庚辰子木至自陳陳孔奭蔡公孫歸生至

曹許之大夫皆至以藩

離也

爲軍晉楚各處其偏伯夙

荀盈

謂趙孟曰楚氛甚惡懼難

趙孟曰

吾左還入于宋若我

何辛已將盟于宋西門之外楚人衷甲伯州犂曰合諸

侯之師以爲不信無乃不可乎

夫諸侯望信于楚是以

來服若不信是弃其所以服諸侯也

固請釋甲子木曰

晉楚無信久矣事利而已苟得志焉焉用有信

大宰退

告人曰令尹將死矣不及三年求遲志而弃信志將遲

乎志以發言言以出信信以立志參以定之信亡何以

乎志以發言言以出信信以立志參以定之信亡何以



及三。趙孟患楚衷甲，以告叔向。叔向曰：「何害也？匹夫一  
為不信，猶不可。單斃其死，若合諸侯之卿，以為不信，必  
不捷矣。食言者，不病非子之患也。夫以信召人，而以僭  
濟之，必莫之與也。安能害我？且吾因宋以守，病則夫能  
致死，與宋致死，雖倍楚可也。子何懼焉？又不及是，曰：「弭  
兵以召諸侯，而稱兵以害我，吾庸多矣。非所患也。」季武  
子使謂叔孫以公命曰：「視邾滕。」兩事晉楚則貢賦重故欲比小國既而  
齊人請邾，宋人請滕，皆不與盟。叔孫曰：「邾滕人之私也。  
我列國也，何故視之？宋衛吾匹也，乃盟，故不書其族，言

違命也。晉楚爭先。晉人曰：「晉固爲諸侯盟主。未有先晉者也。」楚人曰：「子言晉楚匹也。若晉常先，是楚弱也。且晉楚狎主諸侯之盟也久矣。豈專在晉？」叔向謂趙孟曰：「諸侯歸晉之德，只非歸其尸也。」主盟也。子務德，無爭先。且諸侯盟小國，固必有尸。盟者，楚爲晉細。細，事。不亦可乎？乃先楚人書先晉。晉有信也。壬午，宋公兼享晉楚之大夫。趙孟爲客。子木與之言，弗能對。使叔向侍言焉。子木亦不能對也。乙酉，宋公及諸侯之大夫盟于蒙門之外。子木問于趙孟曰：「范武子士會之德何如？」對曰：「夫子武之家事。」

治言于晉國。無隱情。其祝史陳信于鬼神。無愧辭。子木  
歸以語王。王曰。尚矣哉。能歆神人。宜其光輔五君。文襄靈成  
景以爲盟主也。子木又語王曰。宜晉之伯也。有叔向以  
佐其卿。楚無以當之。不可與爭。晉荀盈遂如楚。涖盟。  
宋左師請賞曰。請免死之邑。公與之邑六十。以示子罕。  
子罕曰。凡諸侯小國。晉楚所以兵威之。畏而後上下慈  
和。慈和而後能安靖其國家。以事大國。所以存也。無威  
則驕。驕則亂生。亂生必滅。所以亡也。天生五材。金木水火七  
民並用之。廢一不可。誰能去兵。兵之設久矣。所以威不

軌而昭文德也。聖人以興亂人以廢。廢興存亡昏明之術皆兵之由也。而子求去之不亦誣乎。以誣道蔽諸侯罪莫大焉。縱無大討而又求賞無厭之甚也。削而投之左師辭邑。向氏欲攻司城。子左師曰我將亡夫子存我德莫大焉。又可攻乎。君子曰。彼邑之子。邦之司直。樂喜子之謂乎。何以恤我。我其收之。向戌之謂乎。襄公三或叫于宋大廟曰。譖譖出出。鳥鳴于亳社。如曰譖譖。甲午宋大災。宋伯姬卒。待姆也。君子謂宋共姬女而不婦女待人婦義事也。昭公二十一年冬十月華登以吳師救華

氏登前年齊烏枝鳴戍宋厨人濮宋大曰軍志有之先  
人有奪人之心後人有待其衰盍及其勞且未定也伐  
諸若入而固則華氏衆矣悔無及也從之丙寅齊師宋  
師敗吳師于鴻口獲其二帥公子苦雒偃州負華登帥  
其餘以敗宋師公欲出厨人濮曰吾小人可藉死而不  
能送亡君請待之乃徇曰揚撤者名公徒也衆從之公  
自揚門見之下而巡之曰國亡君死二三子之恥也豈  
專孤之罪也齊烏枝鳴曰用少莫如齊致死齊致死莫  
如去備彼多兵矣請皆用劒從之華氏北復卽之厨人

濮以裳裹首而荷以走曰得華登矣遂敗華氏于新里

翟僂新居于新里既戰說甲于公而歸華姓居于公里

亦如之十一月癸未公子城前年奔晉今還救宋以晉師至曹翰

胡曹大會晉荀吳齊苑何忌衛公子朝救宋丙戌與華

氏戰于赭丘鄭翩華氏願為鵠其御願為鵠皆陣名子祿

御公子城莊董為右干犢御呂封人華豹張匄為右相

遇城還華豹曰城也城怒而反之將注豹則關矣曰平

公之靈尚輔相余豹射出其間子城子祿之間將注則又關矣

曰不狎也更鄙豹止抽矢城射之殪豹死張匄抽爰而下射

之折股扶伏而擊之折軫折城車軾又射之死死句于櫟請一

矢求城曰余言女于君欲活對曰不死伍乘軍之大刑

也于刑而從子君焉用之子速諸乃射之殲大敗華氏

圍諸南里華亥搏膺而呼見華軺曰吾爲樂氏矣軺曰

子無我廷也恐不幸而後亡使華登如楚乞師華軺以車

十五乘徒七十人犯師而出食于雎上哭而送之乃復

入楚遣越帥師將逆華氏大宰犯諫曰諸侯唯宋事其

君今又爭國釋君而臣是助無乃不可乎王曰而告我

也後既許之矣二十二年宋華亥向寧華定華軺華登

皇奄傷省城士平出奔楚

昭公十年冬十二月宋平公卒

初元公惡寺人柳欲殺之及喪柳熾炭于位以溫地將至

則去之使公坐其處比葬又有寵昭公二十五年叔孫婼聘于宋

桐門右師樂大見之語卑宋大夫而賤司城氏昭子告

其人曰右師其亡乎君子貴其身而後能及人是以有

禮今夫子卑其大夫而賤其宗是賤其身也能有禮乎

無禮必亡宋公享昭子賦新宮昭子賦車轄明日宴飲

酒樂宋公使昭子右坐語相泣也樂祁佐退而告人曰

今茲君與叔孫其皆死乎吾聞之哀樂而樂哀皆喪心



也。心之精爽是謂魂魄。魂魄去之，何以能久？季公若

之姊。平子庶姑與公若同母，故曰公若姊。為小邾夫人。生宋元夫人。平子之外

姊生子也。以妻季平子昭子。如宋聘，且逆之。公若從。昭從

子謂曹氏。宋元夫人勿與魯將逐之。言逐曹氏告公，公告樂

祁樂祁曰：「與之如是，魯君必出政在季氏三世矣。」文子武子

平魯君喪政四公矣。宣成無民而能逞其志者，未之有。

也。國君是以鎮撫其民。詩云：「人之云亡，心之憂矣。」魯君

失民矣，焉得逞其志？靖以待命，猶可動必憂。定公九年宋

公使樂大心盟于晉，且逆樂祁之尸。辭偽有疾，乃使向

巢如晉盟、且逆子梁之尸、卽樂子明、謂桐門右師

樂大出曰、吾猶衰絰而子擊鍾、何也、右師曰、喪不在此

故也、旣而告人曰、已衰絰而生子、余何故舍鍾、子明聞

之怒、言于公曰、右師將不利、戴氏卽樂氏不肯適晉、將作

亂也、不然、無疾乃逐桐門右師、定公宋公子地嬖、遽

富獵、十一分其室、而以其五與之、公子地有白馬四、公

嬖向魋、欲魋之、公取而朱其尾鬣、以與之地、怒使其徒扶

魋而奪之、魋懼將走、公閉門而泣之、目盡腫、母弟辰曰、

子分室以與獵也、而獨卑魋、亦有頗焉、子爲君禮、不過

出竟君必止子公子地出奔陳公弗止辰爲之請弗聽  
辰曰是我廷吾兄也吾以國人出君誰與處冬母弟辰

暨仲佗石彊出奔陳

哀公十四年

宋桓魋之寵害于公公

使夫人

景公母

驟請享焉而將討之未及魋先謀公請以

鞶易薄公曰不可薄宗邑也乃益鞶七邑而請享公焉

以日中爲期家備盡往公知之告皇野曰

皇野司馬子仲

余長

長育之也

魋也今將禍余請卽救司馬子仲曰有臣不順神

之所惡也而況人乎敢不承命不得左師

魋兄向巢

不可請

以君命召之左師每食擊鐘聞鐘聲公曰夫子將食既

食又奏公曰可矣以乘車往曰迹人主迹禽獸來告曰逢澤

有介麋焉公曰雖魑未來得左師吾與之田若何君憚

告子野曰嘗私焉君欲速故以乘車逆子與之乘至公

告之故拜不能起司馬子仲曰君與之言公曰所難子者

上有天下有先君誓不相害對曰魑之不共宋之禍也敢不

唯命是聽司馬請瑞焉發兵符節以命其徒攻桓氏其父兄

故臣曰不可其新臣曰從吾君之命遂攻之子順桓魋弟

騁而告桓司馬魋司馬欲入于車魋弟止之曰不能事君

而又伐國民不與也祇取死焉向魑遂入于曹以叛六

月使左師巢伐之。欲質大夫以入焉。不能。亦入于曹。取質。魋曰：「不可。既不能事君，又得罪于民，將若之何？」乃舍之。民遂叛之。向魋奔衛。向巢來奔。宋公使止之，曰：「寡人與子有言矣，不可以絕向氏之祀。」辭曰：「臣之罪大，盡滅桓氏可也。若以先臣之故而使有後，君之惠也。若臣則不可以入矣。」司馬牛魋弟致其邑與珪焉。而適齊。向魋出于衛地。公文氏衛大夫攻之，求夏后氏之璜焉。與之他玉，而奔齊。陳成子使爲次卿。司馬牛又致其邑焉。而適吳。吳人惡之，而反。趙簡子召之。陳成子亦召之。卒于魯郭。

門之外阮氏葬諸丘與

哀公二十六年宋景公無子取公孫

周

元公

之子得

即昭公

與啓

得之弟

畜諸公宮未有立焉于

是皇緩爲右師皇非我爲大司馬皇懷爲司徒靈不緩

爲左師樂萼爲司城樂朱鉏爲大司寇六卿三族降聽

政因大尹

近宮有寵者

以達大尹常不告而以其欲稱君命

以令國人惡之司城欲去大尹左師曰縱之使盈其罪

重而無基能無徹乎冬十月公游于空澤辛巳卒于連

中大尹興空澤之士千甲奉公

公之尸

自空桐入如沃宮

使召六子曰聞下有師君請六子畫六子至以甲劫之

曰君有疾病請二三子盟乃盟于少寢之庭曰無為公

室不利大尹立啓奉喪殯于大宮三日而後國人知之

司徒蒺使宣言于國曰大尹惑蠱其君而專其利今君

無疾而死死又匿之是無他矣大尹之罪也得夢啓北

首死而寢于盧門之外失國之兆已為烏而集于其上味加

于南門尾加于桐門曰余夢美必立大尹謀曰我不在

盟少寢盟但以君命盟六卿故曰不在盟無乃逐我復盟之乎使祝為載

書六子在唐孟將盟之祝襄以載書告皇非我皇非我

因子潞樂門尹得樂左師謀曰民與我逐之乎逐大皆

歸授甲使徇于國曰大尹惑盪其君以陵虐公室與我者救君者也衆曰與之大尹徇曰戴氏皇氏將不利公室與我者無憂不富衆曰無別惡其號令與君無別戴氏皇氏欲伐公啓樂得曰不可彼以陵公有罪我伐公則甚焉使國人施于大尹施罪于大尹大尹奉啓以奔楚乃立得司城爲上卿盟曰三族共政無相害也